



**Titel: I han es Zündhölzli azündt**

I han es Zündhölzli azündt  
Und das het e Flamme gäh  
Und i ha für d'Zigarette  
Welle Fүү vom Hölzli näh  
Aber s'Hölzli isch dervo-  
Gspickt und uf e Deppich cho  
Und es hätt no fasch es Loch in Deppich gäh dervo  
Ja me weis was cha passiere  
We me nit ufpasst mit Fүү  
Und für d'Gluet and' Zigarette  
Isch e Deppich doch denn z'tүү  
Und vom Deppich hätt o Grus  
Chönne s'Fүү is ganze Hus  
Und wär weis, was da nit no wär worde drus  
S'hätt e Brand gäh im Quartier  
Und s'hätti d'Fүүwehr müesse cho  
Hätti ghornet i de Strasse  
Und dr Schluuch vom Wage gno  
Und sie hätte Wasser gsprützt  
Und das hätti glych nüt gnützt  
Und die ganzi Stadt hätt brönnt, es hätt si nüt meh gschützt  
Und d'Lüt wären umenandgsprunge  
I dr Angscht um Hab und Guet  
Hätte gmeint s'heig eine Fүү gleit  
Hätte d'Sturmgwehr gno ir Wuet  
Alls hätt' brielet: Wär isch tschuld?  
Ds ganze Land in eim Tumult  
Dass me gschosse hätt uf d'Bundesrät am Rednerpult  
D'UNO hätt interveniert  
Und d'UNO-Gägner sofort o  
Für ir'd Schwyz dr Fride z'rette  
Wäre beid mit Panzer cho  
S'hätt sech usdehnt nad inah uf Europa, Afrika  
S'hätt e Wältchrieg gäh und d'Mönschheit wär jitz nümme da  
Ja I han es Zündhölzli azündt  
Und das het e Flamme gäh  
Und i ha für d'Zigarette  
Welle Fүү vom Hölzli näh  
Aber ds Hölzli isch dervo-  
Gspickt und uf de Deppich cho - Gottseidank dass i's vom Deppich wider furt ha gno



Prisca Clarke  
[www.compactlearning.ch](http://www.compactlearning.ch)

### Titel: Dene was guet geit

dene was guet geit  
giengs besser  
giengs dene besser  
was weniger guet geit  
was aber nid geit  
ohni dass's dene  
weniger guet geit  
was guet geit  
drum geit weni  
für dass es dene  
besser geit  
was weniger guet geit  
und drum geits o  
dene nid besser  
was guet geit



### Titel: Ds Heidi

Är wohnt a dr glyche Gass  
Und i bi mit dir i d'Klass  
So ischs cho, das mir grad beidi  
Ds Härz a di verlore hei  
Heidi, mir wei di beidi  
Beidi, Heidi, hei di gärn  
Är isch grosse Held im Sport  
I probieres meh mit Wort  
Jeden uf sy Art umwärbe  
Mir di, Heidi, ig und är  
Heidi, mir wei di beidi  
Beidi, Heidi, hei di gärn  
Zum Bewys är heig di gärn  
Schiesst är Gool bi FC Bärn  
Ig erkläre mi dir schlicht  
I Form vo lyrische Gedicht  
Heidi, mir wei di beidi  
Beidi, Heidi, hei di gärn  
Jede Sunntig dänksch am Mätsch  
Är syg dä wo d'lieber hätsch  
Findsch daheim vo mir e Brief  
De chehrt sech ds Blatt, du süfzgisch tief  
Heidi, mir wei di beidi  
Beidi, Heidi, hei di gärn  
S'het nid chönne wytergah  
Hesch nid beidi chönne ha  
Schliesslech hei du är und i gseit  
Heidi, jitz entschliessisch di  
Heidi, entscheid di, beidi  
Wei di, beidi chasch nid ha  
Hätti gwüsst wis usehunnt  
Einisch ire schwache Stund  
Hesch du di verlobt, s'isch zvil  
Mit ihm am Sunntig nach em Spil  
Nei, di Entscheidig, Heidi  
Nei dy Bscheid - i bi enttüscht  
Dadrus han i glehrt, dass hütt  
Nümm so vil erreicht, wär d'Lüt  
Mit Literatur erchlüpft  
Wi wär a ds rächten Ort hi stüpft